

Značajniji angažman mladih će promijeniti stvari



“Građani, posebno mladi ljudi koji će u oktobru prvi put glasati na izborima, mogu promijeniti stanje u sredinama u kojim žive i želio bih vas sve zamoliti da na dan izbora iskoristite svoje biračko pravo”, rekao je danas visoki predstavnik Valentin Inzko.

Govoreći tokom javnog foruma u Milićima, u organizaciji Evropskog pokreta, visoki predstavnik je pozdravio Strategiju za proširenje za područje Zapadnog Balkana, koju je nedavno usvojila Evropska komisija.

Visoki predstavnik je naglasio da je BiH danas zemlja čiji građani žive u miru, no iako smo daleko odmakli od faze rekonstrukcije zemlje, BiH se mora nastaviti razvijati: “Početna tačka je efikasan i funkcionalan sistem vladavine prava u kojem niko nije iznad zakona.”

U svom obraćanju učesnicima foruma, visoki predstavnik je pozvao mlade iz različitih sredina, različitih kantona i iz oba entiteta da pronađu područja od zajedničkog interesa i da zajedno rade kako bi se jasnije čuo njihov glas.

Kompletan tekst obraćanja visokog predstavnika možete naći na www.ohr.int